



**Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorum, Carolvm Martellvm, ...**

**Gretser, Jacob**

**[München], 1613**

Jtem exemplar Epistolæ eiusdem Papæ, ad Domnum Pippinum Regem per Petrum presbyterum directa in qua continetur Abbasciatum Remedij Episcopi & Audecarij Comitiss, qualiter iustitias B. Petri ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

& aeterna gaudia tam Excellentiae vestrae quamque Christianissimae Reginae, filiae & spiritali nostrae commatri, amantissimae vestrae coniugi, atque dulcissimis natis excellentissimis Carolo & Carlomanno regibus Francorum & Patriciis Romanorum largiri dignetur. Incolumem Excellentiam vestram gratia superna custodiat.

*Item exemplar Epistola eiusdem Papae, ad Domnum Pippinum Regem per Petrum presbyterum directam in qua continetur \* Abba sciatum Remedij Episcopi & \* Au-*  
*decarij Comitum, qualiter iustitias B. Petri Apostolorum principis apud Desiderium, quondam Regem, ex parte receperit, & reliquas iustitias faciendum pollicitus est.*

\* Legatio.  
\* Andegavij.

## XXI.

**D**OMNO excellentissimo filio, & nostro spiritali compatri Pippino, Regi Francorum & Patricio Romanorum Paulus Papa. Quia excellentia vestra merito bonorum operum, superno examine, fuerit comprobata, ipsis iam in manifesto rerum exhibitarum effectu demonstratum est; dum nimirum, ad epta de super divinae sapientiae participatione, regalis fastigij scepra coelesti benedictione constet, \* effectius promeruisse. Vnde cum sibi hanc ab omni-

Summ. 2e.  
Bar. 6  
Cent.

\* efficacius.

principe Petro, cœlorumq; regni clauigero, ætherea promissa sunt præmia. Vbi iam non humana inter homines gloria, sed inter angelos, diuina numquam amittenda felicitate gaudetur: exultaq; & latere felicissime Rex, quia tuo, annuente Deo, certamine, sancta spiritualis mater vestra, vniuersalis Dei Ecclesia, ab æmulum insidiis erepta atque exaltata triumphat, fidesq; orthodoxa tuo zelo, & fortitudinis brachio illibata ab hæreticorum iaculis consistit.

Pro quo beatus & iustus effectus es in omnibus operibus tuis, fili dulcissime & spiritualis compater victoriosissime, eximieq; Rex. Innotescimus siquidem præcellæ Christianitati vestræ, quod nuper dum ad nos \* coniunxissent fidelissimi vestri, scilicet à Deo amabilis Remedius vester atq; \* Aucharius gloriosissimus dux, constitit inter eos & Desiderium Langobardorum Regem, vt per totum instantem Aprilem mensis istius 13. Indictionis, omnes iustitias fautoris vestri, B. Petri, Apostolorum principis, omnia videlicet patrimonia, iura etiam & loca, atque fines & territoria diuersarum ciuitatum nostrarum Reipublicæ Romanorum, nobis plenissimè restituisset. Vnde ex parte quidem easdem iustitias nobis idem Langobardorum Rex fecisse dinoscitur, & reliquas omnes iustitias se profitetur atq; omnino spondet nobis esse facturum. Quapropter impensius nos præfatus Desiderius Langobardorum Rex obsecratus est, vt vestræ à Deo protectæ excellentiæ nostris Apostolicis relationibus intimare debuissimus, & ecce sicut nostro, post Deum, liberatori, hoc ipsum eximie atq; sublimissimæ, & à Deo protectæ Christianitati vestræ, per has Apostolicas nostras, innotuimus syllabas, dirigentes,

\* peruenis-  
sent.  
\* Andega-  
rius.

tes magnoperè ad vestram à Deo inspiratam præcel-  
 sam sublimitatem præsentem dilectum filium nostrum  
 Petrum Presbyterum, quem petimus, benigno solite  
 aspectu à vobis suscipi & cum effectu atque prospero  
 nuntio, de perfecta plenariaq; iustitia diuersarum cau-  
 sarum fautoris vestri B. Petri, Apostolorum principis,  
 ad nos remeandum absoluere dignemini. Si verò in  
 ea, \* quæ præfatus Desiderius Rex, vel eius Langobar- \* *quam.*  
 dorum gens, profitentes pollicentur, permanferint,  
 sponsione, nobisq; omnia, secundum vt constitit, &  
 pactorum fœdera continent, restituta ab eis nobis fue-  
 rint, tunc à Deo conseruandæ excellentiæ vestræ me-  
 ritum intimantes innotescemus ei.

Vnde obsecrantes petimus, & obnixè depreca-  
 mur, imò & coniuramus te Excellentissime atq; Chri-  
 stianissime Rex, amantissime fili, & spiritalis Compa-  
 ter, per omnipotentem Deum, & B. Petrum, qui te in  
 Regem vnxit, vt perfectius ea, quæ pertinent ad exal-  
 tationem, & ad \* ampliata liberationem sanctæ Dei \* *ampliorè.*  
 Ecclesiæ, & istius à vobis redemptæ prouinciæ, sicut  
 B. Petro & nostro prædecessori pontifici sanctæ recor-  
 dationis Domno & germano nostro, beatissimo Ste-  
 phano Papæ polliciti estis, cuncta perficere & adim-  
 plere iubeatis, quatenus promissam & repositam vo-  
 bis mercedis coronam de manu omnipotentis Dei re-  
 cipiatis, orantes de reliquo omnipotentis Dei nostri  
 misericordiam, vt sua vos circumtegat gratia, vna cum  
 dulcissima coniuge, excellentissima Regina, filia &  
 spiritali nostra Commatre, atq; amantissimis natis, id  
 est, præcellis regibus, & præsentis regni culmen & tri-  
 umphum victoriæ possidere, & æterna gaudia in  
 cœlestibus regnis cum sanctis perfrui concedat.

Incolumem Excellentiam vestram gratia superna custodiat.

*Item Epistola eiusdem Papa, ad Dominum Pippinum regem directa, in qua continentur lamentationes, eo quod Desiderius Rex consilium iniit cum Georgio imperiali Misso, qui hic Francia adsuit, ut Imperator suum exercitum in Italia contra Rauennam vel Pentapolim ad Romanam urbem ad comprehendendum mittat, & ipse Desiderius, cum vniuerso regno Langobardorum in eius adiutorium vel solatium ea mala ad perpetrandum decertet, & quia cotidie scamaras & depraedationes in eorum finibus faciebant, cum nimis adiurationibus postulans adiutorium obtinere contra ipsos Langobardos, & ideo minime in hoc volumine est scripta, quia pra nimia vetustate iam ex parte erat diruta, tamen alia capitula in eadem non continentur inserta, sed sicut in superiore Epistola legitur, sic & in ista scriptum reperitur.*

*Deest ergo hac Epistola. Nec eius meminerunt in Summaris Bar & Centuriatores. Facilius tamen iactura est, si nihil aliud continebat, quam superior Epistola.*

*Item exemplar generale eiusdem Papa ad cunctum exercitum à Deo protectum Regni Francorum, in qua continentur gratiarum actiones & vberissima benedictiones, pro certamine eorum, & ut magis in seruitio Dei omnipotentis, & sancta Dei Ecclesia, certando perseuerent, animum, Domini Pippini Regis ad hoc peragendum excitent.*

XXII.

**P**AULVS seruus seruorum Dei, omnibus dilectis nobis Episcopis & venerabilibus Presbyteris & Abbatibus atque religiosis Monachis glorio-